



Bentiarq Ottosen

UPA 2026/26-1

Atassut

22. April 2026

**Uunga siunnersuut: Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaata allanngortinneqarnissaa pillugu Inatsisartut Inatsisaata allanngortinnissaa pillugu Inatsisartut inatsisaat** (Tuniniaanissamik nittarsaassisarnermut inatsit)

(Nunanut allanut, Inuutissarsiutinut Aatsitassanullu Naalakkersuisoq)

Nunatsinni nittartakkatigut tuniniaanissamik nittarsaassisarneq aamma nalunaaqutsersuisarneq pillugu inatsit atuisartunut pissutsinut pitsanngorsarnissaa pingaartuuvoq – inuit attaveqaqatigiittarfiini uuppakaatitsinerit ikilisarneqassappata inatsit sukaterneqartariaqarpoq.

Nittartakkatigut tuniniaanissamik tuniniakkap suussusaa aallaavigalugu nalunaaqutsernissaa pingaartuuvoq, assersuutitut oqaatigineqarsinnaavoq inuit attaveqaqatigiittarfiini inummut tunngasut eqqarsaatigalugit illersorneqarnissaat siunertaralugu ineriartortitsinissamut siunertaqarsinnaaneq. Maannakkut takusinnaasatsinni nittartakkatigut teknologiip ineriartornerani unammillernarsinnaasut annertusiartorput – teknologi inugaqanngissusersuani uppersarsinnaasarmagu. Taamaattumik meerartagut aamma inuusuttortagut illersornerujumallugit inatsit sukaterneqarnissaa avaqunneqarsinnaangilaq.

Meerartagut inuusuttortagullu sunnertiasuupput – pingaaruteqarporli illersorneqarnissaat tamatta isumaqatigiiffigipput. Inuit tuniniaasuusaarlutik kinaassusertik isertuullugu inuiaqatigiinnut uuppakaasitsiniarlutik aningaasarsiuteqarniarsarisut sakkortuumik pineqaatissinneqartarnissaat pissusissamisoorpoq, taakkuummatami inuk kinaluuniit tiguarsinnaagaat nittarsaassinermi atornerluillutik. Tamanna akuerineqarsinnaangilaq inuiaqatigiit akornanni mittatilliineq – kisiannili pissutsit tamakku eqqortuupput nalaaneqartarlutillu.

Atassummiit pingaartipparput tuniniaasarnermi inuit attaveqaqatigiittarfiini nittarsaassisarneq atuisartunut pissutsinut pitsanngorsarnissaaa, tamanna qulakkeerumallugu innuttaasut toqqissillutik inooriaaseqarnissaat anguneqassammat.

Taamaatut oqaaseqarluta una siunnersuut taperserlutigu Inuusutissarsiornermut aatsitassanullu ataatsimiititaliamut innersuupparput.

A